


مجموعه بیاد الخیر

❁ ادبی و سیاسی رساله اسبوعیه در ❁


۳۰ نجی سنه



جزء عدد : ۹۹

❁ پنجشنبه ❁

۱۱ جمادی الاخری ۱۳۲۹



جناب شهاب الدين بكك «يالان» ي

تراخت فكريه و قليه سى مسلم اولان جناب شهاب الدين بكك «يالان» نامنده بر مى
پيهس يازديغنى و بو پيهسك موقع تماشا به وضع ايدلديكىنى استخبار ايدم . بويله مقتدر
بر قلدن چيقان يكي بر اترك تجدد و تمدن مزه بيوك تاثيرى اوله جفته قانع اولديغى جهته هان
پيهسك سوزه سنى (موضوعى) تدقيق ايتدم . ينه بيلديكمز فداكارلق و مشيجه
جنايت اساسلرينك تعقيب ايدلديكىنى كوردم . مع التأسف بيانه مجبورم كه بوكي موده سى
كچمىش (ملودرام) موضوعلى زما ن مزه مفيد اولق شويله طور سون . موجب
مضرت اوله بيلور لر . تربيه مدينه سنى دوشنديكمز ملتك زما ن مزه حياتنه الزم اولان حسيات
ناز كه يي القا ايدم جك صاف بر عشقك انسانى نه قدر اعلا ايدم جكنى گوستره جك ،
قادينلرك حمابه سى حقيقى مردلك شانندن اولديغنى آكلا ته جق پيهسلى تماشا
ايتمى لازمدر . يوقسه جنابى رومانلرى دكل تيار و ده ، مع التأسف هر كون اورته لقمه
كوروب ايشتمكده يز .

همده جناب شهاب الدين بكك عفو لر ينه استنداد بو پيهسك حيات حقيقيه دخی
مطابقتى تسليم ايدم .

شمى پيهسى تحليل ايدم : كويدم يشايان براختيار پدر اوغلك ۳۱ مارت
وقعه سنه اشتراك ايلسندن طولاني صلباً اعدام اولنديغنى خبر آليور ، كدرينه حد و پايان
اوليور . بر درلو تسلى قبول ايتيور . بيجاره اختيارك ياسدن اوله جكنى حس ايدن
زوجه سى ، گويا قوجه سنى قورتارمق ايجون بيوك بر فداكارلق كوزه آليور ، اعدام
ايديلان چوجفك بشقه برينك صلبندن حاصل اولديغنى (يالانى) ترتيب ايدوب
قوجه سنى اقتاع ايليور .

شمدی بویله بر یالان ، کدرک تخفیفنه می یوقسه تشدیدینه می خدمت ایدر ؟
 ارباب انصافک تقدیرینه حواله ایدرم . آندن ماعدا کویده یشامش اختیار برقادین
 بویله بر یالانی ترتیب دکل خاطرینه بیله کتوره مز . زیرا برقادینده ناموس یاواردر ،
 یا یوقدر . اگر اوقادین ناموسلی ایسه او یاشه قدر عفت و ناموسندن شبهه ایتمدیکی
 زوجنک بویله بر یالانه ایسانه جفنی تصور ایدم . شاید تصور ایتمدیکی فرض اولور
 ایسه قادینک وجدانی بحق شبهه نی داعی حرکاتده بولندیغنی اعتراف ایدیور دیمکدر .
 او حالده مؤلفک آرزو ایلدیکی « افه » غائب اولور . یوق قادین ذاتاً ناموسسن
 ایسه قوجه سنک او یاشه کناجه یه قدر فرقنه وارماسی حاققنی و یا بیله رک سس
 چیقار مامسی دناقتی قبول ایتمسی لازم کلور ، که هرایکی حالدهده پیس اهمیتنی غائب ایدر .
 نتیجه بتون بتون شایان تأسف ! اختیار بویالانه اینانیور اما متسلی اولوب راحت
 ایده جک یرده بتون حیاتنک آلدانه ایله کچمش اولدیغنی دوشنهرک غرور مردانه سی
 فوق العاده رخنه دار اولیور . کندیسنی ضبط ایده میور . قرق ییلق فداکار زوجهنی
 بوغیور ، اوغلنک جنایتی کدرندن خلاص اوله جق یرده او جنایت قدر لیم بر جنایتده کندیسنی
 ایشلیور . اشته بوفاجعه هیچ بر مقصده خدمت ایتمکسز بن ختام بولیور . بونک اوزرینه انشراح
 قلب ایله تیاترودن چیقيله مدینی گبی ، هیچ بر صورتله عبرتده آلمش اولیور .

ادبامزدن ، هیچ اولمز ایسه تیاترولرده اولسون جنایاته ختام ویرلمسنی رجا
 ایدرز . (مه لودرام) فاجعه دن آرتق غنا کلدی . جدی پیس یازمق ایستیانلر
 اوروپاده صوگ زمانلرده موقع تماشا یه قونیلان پیس لری اوقوسون . بونلری
 مه امكن احوال ملیه مزه تطبیق ایدرک و ایسترلر ایسه سویه صرفاغزه کوره
 ساده لشدریره رک پیس یازسونلر . و امین اولسونلر که خلغمزک تربیه سنه و حسیاتنک
 اینجلمسینه آنجق بوجهنله خدمت ایده بیلورلر . رغبت دخی قزانه جقارندن شبهه
 یوقدر . زیرا « خرسز » « در بفوس » پیس لری گبی صرف فرانسز حیاتی مصور
 اولانلری بیله رغبت بولور ایسه آرتق ذوق و حیات ملیه مزه تطبیق اولانلرینک
 فوق العاده مظهر توجه اولسی طبیعیدر .

